

Faexgeq Didlungz

□ Yiz Ciz/余执

Sai: Raeuz song boux miz eiq, Gaej heiq mbouj miz gwn, Boux vunz doengz boux vunz, Miz gwn baengh gaenx guh.	Youqhoengq hix bienq gungz.	Nienz laux daengz ban neix , Lawz aeu mbouj ndaej baz.	Swiq din hix doxfamh , Seizneix gangj mbouj ngamj , Fanj bae ra gvan coz.
Mbwk: Boux guh reih sinhoj, Hanh daeuj lumj mboq lae, Dawzrauq caiq dawzcae, Bae ngoenz laep ngoenz haemh.	Mbwk: Gou samcib bi geq, Meh naeuz mbouj luenh bae, Haq mbouj ndaej boux ndei, Bae gyae mizmaz yungh.	Sai: Gou ndang youq ndaw singz, Vunz hix sim mbouj maij. Gangj okdaeuj dahraix, Vaih dangqnaj liux caez.	Mbwk: Vunz ndaw singz sim langh , Baez gangj cix doxceng , Youh mbouj dwg lwg ’eng , Mbouj deng lai doxnyiengh.
Sai: Guh yienghyiengh cungj hoj, Roxnaeuz daeuj ranz gou, Gwn imq cix ndaej youz, Youq lumj mou cuengqlangh.	Sai: Ndaw bya cix ndaw bya, Yaek miz maz daih yoq(yaez), Haq ndaw mbanj gaenh boh, Gangj coenz goj hix diemz.	Mbwk: Mwngz vunz baenzlai mbauq, Youh dauq lajmbanj aeu. Yawj siengq lumj bouxdaeuz, Baenzyouq aeu yahrungh.	Sai: Aeu boux gonq mbouj baenz , Gou hozhaenz dahnuengx , Mbouj rox yienghlawz suenq , Sim gou luenh liux caez.
Mbwk: Siengj bae caeuq mwngz youq, Lau gou mingh mbouj ndei, Seng daeuj mbouj deng seiz, Mingh mbouj ndei lumj doih.	Mbwk: Gou seng youq ndaw bya, Ra giz ndei cij haq, Gou caeux couh gangj gvaq, Mbouj haq youq gaenh ranz.	Sai: Vah gaej gangj gvaqloengz, Gangj loeng nanz doiq dauq, Gou vunz mbouj baenz mbauq, Seiz yaek lauq(gvaq) ciuhvunz.	Mbwk: Gvanbaz guh seng ’eiq , Ndwenndwen ndaej lingx ngaenz , Guh gijmaz cungj baenz , Gai gaen mak hix canh.
Sai: Boux vunz oiq lumj rangz, Ndang ndei mingh mbouj yak, Mingh nuengx mingh bouxhag, Gap bouxlawz cungj hoengz.	Sai: Ndaej haq youq gaenh ranz, Saeh van ndei doxheuh, Nuengx mwngz haq hamj geuq, Yaek heuh hix mbouj raen.	Mbwk: Mwngz vunz baenzlai mbauq, Baenzyouq lauq ciuhvunz, Guhdoih youq lajmbwn, Gou caeuq mwngz ityiengh.	Sai: Maez deuz cibgeij bei(bi), Seiz gou aeu caengz ndaej, Naemj daengz cix siengj daej, Muengh nuengx gaej guhriu.
Mbwk: Gou seng youq ndaw rungh, Cungj naemj ra ndaej goeng(gvan), Aen seiq neix mbouj doengz, Ra goeng mbouj yungzheih.	Sai: Mwngz gaej gangj yiengh vah, Haq gaenh meh engq ndei, Geu buh geu vaq heiz(uq), Meiz meh daeuj bang saeg.	Mbwk: Mwngz luenh siengj luenh ngeix, Mwngz luenh heiq luenh cai, Gou mbouj gangj baenzlai, Dai lix caeuq mwngz lienh.	Mbwk: Gofaex cib ciengh sang, Cungqgyang hix miz lwnx, Ngoenzcog aeu bouxwnq, Mwngz swnhleih gvaq vunz.
Sai: Mwngz seng youq ndaw mbanj, Ra gvan ndei cij bae, Ciuhvunz geijlai raez, Gvan ndei cij baenz ciuh.	Mbwk: Youq lajmbanj sinhoj, Mwngz mbouj rox luenh naeuz, Ndaemndaem liux caiq sou, Gou simfanz nanz lwnh.	Sai: Nuengx gangj yienghneix vah, Gou fouz naj doiq mwngz, Geq cij bae ra gwn, Lau lwgvunz mbouj nyiengh.	Sai: Gou cien loeng fanh yienq, Genj bazgonq mbouj baenz, Langh raeuz caeux doxraen, Rox sien baenz goeng ’yah.
Mbwk: Gou lij youq ranzmeh, Baenz geq fouz vunz ra, Gou mbouj miz vwnzva, Vunz haida mbouj yawj.	Sai: Naeuz ndaw bya mbouj ndei, Ciengzseiz miz vunz deq, Nuengx mbouj yiemz gou geq, Deq mwngz daeuj caemh ranz.	Mbwk: Yah mwngz sau youh sau, Noh hau naj youh maeq, Yah mwngz ndei baenzneix, Baenzyouq ngeix daengz gou.	Mbwk: Bak naeuz mbouj miz yah , Gou gvaq hix mbouj cim , Boux ndiep boux ringring , Gangj vahging(byonj) dwk raeuz.
Sai: Mwngz naeuz caengz okhaq, Gangj vahgyaj cungj miz, Boux vunz mwngz sau ndi(ndeï), Vunz gizlawz mbouj lienh.	Mbwk: Nienzgeij geq cix geq, Miz nyeq(noh) gwn cix baenz, Ndaej caeuq beix doxgaen, Gwn lwgmaenz hix nyienh.	Sai: Yahgonq vunz baenzsau , De lau guhhong hoj , Ngoenz gwn bae guhdoj , Mbouj dauq goq gvaranz.	Sai: Ndaej boux baz bienq sim , Cin(caen) cien loeng fanh yienq , Ndaej boux baz sim bienq , Ngoenzhwnz yienq yaek dai.
Mbwk: Vah mbouj yaem mwngz beix , Meiz(miz) moiz daeuj daengz ranz , Gangj coenz unq coenz van , Cam gou aeu coenzvah.	Sai: Mwngz ndaej bae ranz gou , Mbouj hawj mwngz sinhoj . Raeuz song boux ciuqgoq , Gij sinhoj gag lumz.	Mbwk: Mwngz miz ngaenz miz cienz , Aeu boux sien guh yah , Mbouj doxceng doxndaq , Doj gvaq gaij couh baenz.	Mbwk: Mwngz luenh gangj luenh naeuz , Simdaeuz mwngz gag angq , Vah dwg baenzneix gangj , Yaeh gou angq daengzndwi.
Sai: Boux vunz doengz boux vunz , Rox mwngz yienghlawz naemj , Gou mbouj sang mbouj daemq , Haethaemh rox ra ngaenz.	Mbwk: Baengh beix boux vunz ndei , Nuengx bae gaen gvaq ciuh , Mbouj aeu ci aeu giuh , Rox ciuqgoq cix baenz.	Sai: Meuz nanz gaij gwn bya , Ma nanz gaij gwn haex , Boux guhdoj miz leix , Nanz ndaej doiq dauq laeng.	Sai: Ndaej boux yah bienq sim , Gou cin(caen) raen doeknaiq , Nuengx ndaej daeuj dahraix , Gaj mou baiq cojcoeng.
Mbwk: Mbouj yaem mwngz guh beix , Gizgiz meiz vunz cam , Aen sim gou mbouj van , Caen raen nanz gvaq ciuh.	Sai: Gou seiqcib bi laux , Gvaq seiz mbauq aeu baz , Ngoenz daegdaengq daeuj ra , Miz maz vah cix naeuz.	Mbwk: Bouxlawz gim mbouj aeu , Bouxlawz ngaenz mbouj ngah , Mwngz mbouj raen dwgda , Baenzlawz ra guhdoih.	Mbwk: Heiq lai hix mbouj ndaej , Daej lai hix mbouj ndei , Langh mwngz miz simgei , Gou bae caeuq mwngz gvaq.
Sai: Gizlawz haeux mbouj gwn , Gizlawz mbwn mbouj hoemq , Ndaw singz yienznaeuz hoengh ,	Mbwk: Mwngz vunz youq ndaw singz , Gwn ninz mbouj youheiq ,	Sai: De dwg vunz ndaw singz ,	Sai: (2 sat)